


Oz è igl De dalla mar



PARCLADOUR

text: Chattrina Josty, illustraziun: Yvonne Gianol,
grafica: Theres Jörgler, fotografia: Jörgler-Staues
zambregid ha: Flurin Veraguth
© Lia Rumantscha

KIDSFITSCH
Lia Rumantscha



 Schweizerische Eidgenossenschaft
Confédération suisse
Confederazione Svizzera
Confederaziun svizra
Uffiz federal da cultura UFC

Igl De dalla mar

Igl noss planet, la Tera, vign era numno «igl planet blo». Via da gliunsch, per exaimpel giu dalla gligna, è igl noss planet per gronda part blo – perveia dalla mar. Sen igl noss mond è duple surfatscha cuverta cun ava tgi cun tera. La mar è enorm impur-tanta per nous carstgangs e per igls animals. Perchegl stò la mar neir protegeida. Per far attent a chel fatg on las Naziuns Uneidas decidia da festivar igl De internaziunal dalla mar. Mintg'onn dattigl en motto, i vign fatg films ed organisadas acziuns per tg'igls carstgangs possan amprender duple dalla mar.

Tgenegn è igl pi grond animal tgi veiva ainten la mar?

La balena blava è igl pi grond animal dalla mar ed igl pi grond animal an-somma. Ella è 33 meters lunga e peisa 160 tonnas. Ella è damai schi lunga scu 3 autos da posta e peisa tant scu 30 elefants! Ed ella maglia enorm bler: mintga de maglia ella milliuns crils (ena speztga da giomers pitschens) e displaschevlamaintg er adegna duple rusment scu per exaimpel cloccas e satgs da plastic.



Tge sast te dalla mar? Cò enqual dumonda cun rasposta:

Scu vign igl sal ainten la mar? Schi te ist gio sto u stada eneda alla mar, sast tgi l'ava gosta scu ava da spaghettis! Igls flems tgi magnan l'ava ainten la mar vignan dallas muntognas. Sen lour viadi lavan els igl sal or dalla crappa. Uscheia sa rimna ena massa sal e perchegl gosta l'ava da sal. Spezialmaintg bler sal ògl ainten la Mar Morta an Israel, la Jordania e la Cisjordania. Lò ins pò scher an dies sen l'ava e liger en codesch sainza sfundrar.

Ist te gio stada u sto eneda sper la mar?

Ast te pi gugent rivas cun crappa u cun sablung?





Scu vign igl plastic ainten la mar?
La gronda part digl plastic vign
transportada cun igls flems ainten
la mar. Ma er dallas grondas navs
vign igl rusment per part simpla-
maintg patto ainten l'ava. U tgi la
gliout lascha anavos rusment allas
rivas. Chegl è trest. Cunzont per
igls animals. Els creian tg'igl plastic
seia ensatge da magler e stranglan
igl rusment.

Noua è igl punct igl pi profund dalla
mar?



Igl Foss dallas Mariannas aint igl
Pacific vala scu punct igl pi profund
dalla mar. Aintenchel li vogl 11'934
meters ainten la profunditad. Sch'igl
foss fiss ena muntogna, fiss chella
en toc pi ota tg'igl Mount Everest, la
muntogna la pi ota digl mond.

Noua ta nodas te igl
pi gugent? Ainten
la mar, ainten en lai
u ainten en bogn
avert?



Ast te gio catto
conchiglias alla
riva dalla mar?

Tge animals
ast te via ainten
la mar?




Scu savessas te
proteger la mar?

Puntera

1

Te dovras:

- 2 cloccas da PET
- en pêr romigns
- 3 ferms bindels elastics
- corda
- palpieri
- fleters u calours
- cola



Uffizi federal da cultura UFC


Schweizerische Eidgenossenschaft
Confédération suisse
Confederazione Svizzera
Confederaziun svizra



text: Chatriina Josty, illustraziun: Yvonne Gienal,
grafica: Theres Jörgler, fotografia: Jörgler-Stauss
zambregida hat: Flurin Veraguth
© Lia Rumantscha

KIDSFITSCH
Lia Rumantscha

- 1 Rimna en pêr romigns per la puntera. Iglis leia ansemen cun corda.
- 2 Peglia dus cloccas da PET veidas e teira surave en bindel elastic, per tgi ellas tignan ansemen.



1



3




- 3 Metta la puntera da lenn sen las cloccas e teira anc en oter bindel elastic sur tot ve.
- 4 Ossa dovras te anc en romign en po pi lung. Ve da chel sast fixar ena pitschna bandiera da palpieri. Scu vei or la tia bandiera? La pitga da bandiera sast francar cun la stumplar tranter dus romigns dalla puntera e las cloccas da PET.

2



4





Schi te laschas nudar la tia puntera
sen en lai u en flem, sierescha ella cun
ena lunga corda tgi te tignas ainta
mang.

